

# Сон Пресвятыя Богородицы

Во имя Отца и Сына и Святаго Духа.

Аминь.

Сон Пресвятыя Владычицы нашея Богородицы  
и Приснодевы Марии.

Спала Пресвятая Богородица  
во святем граде Вифлееме Иудейстем в марте месяце  
и сон видела вельми страшен и претивен  
о Сыне Своем возлюбленном, Господе нашем Иисусе Христе;  
и прииде к ней Господь наш Иисус Христос и рече Ей:  
«О, Мати Моя возлюбленная, Пресвятая Богородица,  
спала в святем граде Вифлееме Иудейстем  
и что во сне видела?»

Она же отвеща Ему:

«Сыне мой дражайший, Иисусе Христе и Боже мой!  
во сне видела Архистратига Михаила  
и прочих небесных сил бесплотных».

И рече ей Господь наш Иисус Христос:

«Аминь, аминь глаголю Тебе,  
Мати Моя возлюбленная, Пресвятая Богородица,  
не истину рекла еси».

Она же отвеща ему:

«О, пресладкий и прещедрый Иисусе Христе,  
Сыне и Боже мой!  
аще истину реку Тебе, утроба Моя терзается во Мне,  
очи Мои преграждаются, гортань Моя зчезает глаголати Тебе;  
во сне видела Тебя, Господа Моего Иисуса Христа,  
Сына Божия,  
у жидов поймана и приведена  
к Понтийскому Пилату Игемону,  
и к столбу привязана, биена, заушена, оплевана,  
и на древе крестнем кипарисе, певке и кедре распята,  
руце и нозе Твои святыя ко кресту пригвоздиша

и тернов венец на главу Твою святую возложиша,  
желчию и оцтом напоиша;  
и един от воинов ко кресту приступи,  
и в ребра Твоя святых копием прободя;  
и от ребр Твоих святых изыде кровь и вода  
на исцеление миру и на спасение душам христианским;  
и тогда солнце померче и луна в кровь претворися,  
небо и земля потрясошася, камение распадашася,  
церковная завеса раздвоя надвое  
с верхнего краю до нижнего,  
и тма бысть по всей земле от шестаго часа до девятаго;  
и благоразумный Иосиф с Никодимом  
попросиша у Пилата пречистое тело Твое,  
и, со креста снем, плащаницею чистою вив,  
и с благоуханием во гробе нове покрыв, положи;  
и в третий день воскресе, всему миру живот вечный дарова,  
рукописание Адамово раздра, адовы веревы железныя сломи  
и врата медная сокруши, и всех из ада изведе,  
и диавола на тысящу лет связа».

И рече ей Господь наш Иисус Христос:  
«О, Мати Моя, возлюбленная Пресвятая Богородица,  
Дево Мария!

аминь, аминь глаголю Тебе: воистинну сон Твой  
не ложен есть,

Богу и Отцу Моему изволившу, на сие бо приидох в мир  
искупити род человеческий от мучительства диаволя  
Своею кровию.

Аминь».

Аще кто сон Твой Богородичен  
в дому своем держит в чистоте,  
и к тому дому не прикочнется нечистый дух,  
не злый человек,  
и (будет) скоту приплод и хлебородие.

Аще кто в пути с собою в чистоте носит,  
к тому человеку не прикочнется  
не тать, ни разбойник, не злый дух.

Аще кто при смерти своей  
сон Твой Богородичен помянет или прочитает с верою,  
и тот человек избавлен будет вечных мук.

Аще кто на море и на реках и езерах  
сон Твой Богородичен иметь будет в чистоте,  
и сохранен будет от потопления предстательством  
Пресвятыя Владычицы нашае Богородицы  
и Приснодевы Марии,  
заступлением и молитвами Ея избавит Господь  
от Твоих бед и скорби.

Аще сон Твой Богородичен жена обремененная  
иметь будет в чистоте  
и с верою будет прочитывать и слушать  
с сокрушенным сердцем,  
и легко отроча родит  
молитвами Пресвятыя Богородицы и Приснодевы Марии.  
Аминь.

Попов Н. Народные предания жителей Вологодской губернии,  
Кадниковского уезда, с. Замоша: Этнографический материал собран в 1857  
году // Живая старина. — 1903. — Вып. 3.